

~~Sce ulessan la tré inant n con' dl ladin,
Wenn wir die ladinische Sprache weiterentwickeln
Se vogliamo sviluppare la lingua ladina,~~

~~jissela de giauri l viere ora tl mond,
mochten, sollten wir das Fenster zur Welt öffnen,
covremmo aprire la finestra sul mondo,~~

~~ulessa dì ne se ijulé no limpea...
uns sprachlich also nicht absondern...
cioe non isolarcì linguisticamente...~~

Frida Piazza

Na ufierta de furmazion per la traduzion de leteratura tla Region europeica Tirol-Südtirol-Trentin

**Metuda a jì dal ZeLT. Zénter europeich per leteratura y traduzion y
l' Academia Cusanus.**

L'Europa ie tl lëur de se mudé y l Südtirol ie sun lim danter l raion de rujeneda tudëscia y l raion de rujenda taliana. Tamesa chisc doi gran raions culturei y linguistics ite iel la ijula de rujeneda ladina. Uni tofla de streda, uni placat de retlam y uni firma privata o publica possa o muessa tl Südtirol comuniché te doi rujenedes y tla Ladinia monce te trëi. Nvestì tla cumpetëenza transcultura ne n'ie nia mé n bujën, ma l se paia nce. La documentazion de n bon bi-o nchinamei trilinguism cun sëuraprò cunescëncies che reverda i raions culturei y l avëi l fortl de mediazion ie cumpetëenzes scialdi damandedes sun l marcià dl lëur. Savëi da valuté livei de rujeneda y mparé a ntënder defrëncies culturelles ie cualiteies che adurvon iust ncueicundi per na cunvivëenza plu respetëusa?

Co pudëssen pa dé inant a na maniera plu tlera y davierta cumpetëenzes lingüistics y cultureles sce no tres i cuntenuc y la variantes dl rujené dla leteratura? Y co pudëssen pa rujené plu ala menuda y plu sot de leteratura sce no cun la massaria dla traduzion, jan tres la pratica y la teoria dla traduzion de leteratura?

La traduzion a mascin giapa al didancuei for na majera mpurtanza y la ndustria tecnologica nes mpermët na comunicazion zënza fai y scialdi plu asvelta. Per chësta rejons iel de bujën de na detlarazion tlera: la nteligëenza artistica ne se lascia nia baraté ora cun la ntiligëenza artifiциela. Cie che l vën dat inant danter la risses dla leteratura ne n'ie nia nfurmazions, ma criazions artistiches che ne se lascia no tl scrì y no tl ciancé de leteratura réalisë tres algoritms.

Dantaldut tl ladin cun si idioms defrënc vel: l nvestimënt tl sustëni de n miëur savëi linguistich ie de mpurtanza fundamentala per l renfurzamënt y l svilup dl lingaz ladin. Cis la generazion jëuna muessa unì nsenieda ju tla pratica dl scrì y dl liejer per ladin sce ne n'ulon nia che chësta cumpetëenzes – y tres

chël la rujeneda – manace de jì a se pierder. La mpurtanza che tol ite n chësc cont l sustëni dla produzion, dla rezezion y dla traduzion de leteratura à la scienzes linguistiches y letereres mustrà su a na maniera tlera.

Cun ZeLTlectio. School of Literary Translation crieia ZeLT na uifta de furmazion nuova tl ciamp dla Comunicazion Transculturela tl Südtirol che ie, coche raion de cunfin y si plurilinguism vivù, predestinà per chësc proiet. L curs de furmazion ladin ↔ tudësch o talian unirà pità n prejëenza depierpul ai cursc de furmazion tudësch → talian, talian → tudësch. Dlongia la uniteies di cursc de furmazion dla tlasses cun la rujenedes de nseniamënt ladin, tudësch o talian uniral mo pità sëuraprò referac y sëires de descusions te duta la trëi rujenedes.

L'ert dla traduzion I, 2025/26

Curs de furmazion per renfurzé, sustenì y svilupé l lingaz ladin tres traduzions letereres

Fin dl curs

Te chësc curs de furmazion uniral ciancià dala y tla rujeneda ladina y perchël dëssel nce unì tenì cont de tesç letereres te duc i idioms ladins y de si svilup linguistich. Tl curs uniral laurà ora y jit ite plu sot tla cunescènzes linguistiches y letereres tres analyses de tesç scric nstësc y traduzions fates deberieda de lirica y prosa de autores cunesciui tl ladin y dal ladin. Chi che fej pea pra l curs gaudièrà de na furmazion per na cariera cualificeda per l nseniamënt de rujeneda, per tradutëures y mediatëures de cultura cun de plu puscibleies sun l marcià dl lëur.

Cundizions per fé pea pra l curs de furmazion

Per fé pea pra l curs de furmazion iel de bujën savëi bën i lingac da chëi y te chëi che l vën fat la traduzions (ladin, tudësch, talian). N se aspieta nce ueia de se dé ju cun la rujenedes, legréza a scrit y a mparé truepa cosses nuevas per miuré l savëi y la cunescènzes genereles, les adurvan criativamënter.

Cuntenuc

L curs de furmazion unirà tenì sies iedesc ntan dut l di de sada (7,5 èura) n prejëenza. L fin dl curs ie de stlù ju de plu traduzions tl ladin y dal ladin y la publicazion de na antologia da pert de na cësa editëura o de na istituzion culturela. Ntan l'ëures dl curs uniral fat eserzizies pratics de traduzion coche nce purtà dant velch sun la storia y la teoria dla traduzion leterera. Sëuraprò uniral nce metù a ji sëires cun letures de autores y descusions cun tradutëures per tudësch, talian, ladin y dai raions retorumanes. L curs unirà stlut ju cun la prejentazion di resultac te na manifestazion de n valgun dis cun lauratueresc, letures y referac davierc al pubblich.

Referëntes y referënc

La tlas unirà meneda da doi espertes tl ciamp dla traduzion y mediazion linguistica. Per la prima edizion ons pudù nciarië Rut Bernardi y Ingrid Runggaldier, tramedoves scienziedes de leteratura y da cësa tl ciamp linguistich y dla traduzion. L unirà nce nvià d'autra persunaliteies cun esperienza leterera, sibe dal raion ladin che dal raion rumanc svizer per audì velch de si esperienzes.

Rut Bernardi, *1962, d'Urtijëi te Gherdëina, viv a Tluses. Stude de romanistica tl' Università de Dispruch. Prelezions de rujeneda y cultura ladina tla univer-siteies de Turic, Dispruch, Minca, Mannheim y Bulsan. La ie autora, tradutëura, publizista: p. ej. regia y muderazion dla trasmision tl radio *L cuartet leterer*. La scrij y dà ora leteratura per ladin y tudësch. De plu pesć letereres y culturei. La nsenia tl' Università Liedia de Bulsan, ulache la à scrit la *Geschichte der ladinischen Literatur*, unida ora tl 2013. Si ultim liber leterer ie *De teles da giat* dat ora tl 2024 dala ULG. Da juni dl 2021 iela presidënta dla SAAV - Lia Autores dl Südtirol.

Ingrid Runggaldier, tradutëura y publizista liedia. La à studià linguistica y leteratura tudëscia y ngleja/americana al' Università de Dispruch. Dal 1997 lëurela coche tradutëura (ladin) per l'Aministratzion provinziela de Bulsan. La se dà ora de chël ju cun tematiches defréntes, danter l'auter dantaldut cun lingac y leteratures tl cunfront, cun studies feminii y de gënder, cun mendranzes y cun storia dl alpinism y dl turism. Danter si publicazions iel da nunzië l liber *Frauen im Aufstieg* (2012), na nrescida sun la storia dl alpinism feminil, y *Gezahnt wie der Kiefer eines Alligators. Was Reisende über die Dolomiten schrieben* dl 2023. Danter si documenteres iel l' retrat dla scritëura y tuadëura Frida Piazza *La Rujneda tl cë* (2004). La ie cofundadëura y coredatëura dla revista feminila ladina *Gana*. La viv y lëura a Urtijëi y Bulsan.

Dis dl curse

L curs de formazion scumencerà de setember dl 2025 y jirà inant nchina de juni dl 2026 per sies iedesc n prejëenza tla Academia Cusanus a Persenon ntanchisc dis:

De sada, dut l di (dala 09:00 nchin la 12:30; dala 14:00 nchin la 18:00)

1. Ancunteda: 27 de setember dl 2025

2. Ancunteda: 25 d'utober dl 2025

3. Ancunteda: 29 de nuvember dl 2025

4. Ancunteda: 7 de fauré dl 2026

5. Ancunteda: 18 d'auril dl 2026

6. Ancunteda: 13 de juni dl 2026

Manifestazion per stlù ju: ududa danora dai 24 nchin ai 26 de setember dl 2026

Da paië ite per l curs

950,- €/partezipanta/partezipant (45 èura n prejëenza, cun sëuraprò mo la manifestazions dla séires y i trëi dis per stlù ju)

Spëises sëuraprò: l viac, la marënda y sce de bujën l sté sëuranuet

Spëises tl' Academia Cusanus:

sté sëuranuet (cun gusté): 42 € (+ tassa dl luech)

marënda: 14€

La organisazion se tol sëura de tò ite nfurmazions per giapé cuntribuc per stipendum o per l curs de furmazion per smendré la spëises.

Iscrizion y criters de valutazion

L ie da mandé ite nchin ai **20 de lugio dl 2025** chisc documënc tl format PDF:
Curriculum y n valguna risses per stlarì l nteres. Da mandé a: lectio@zelt-lab.eu.
L unirà täut su cuntat cun la candidates y i candidac nchin ai **31 de lugio dl 2025**.

Zertificat de partezipazion

Ala fin dl curs arà la partezipantes y i partezipanc ciancià poejies y cunties che unirà publichedes cun si inuem te na antologia. L unirà nce atestà la partezipazion al curs.

Mo dumandes?

Gén respundons a duta la dumandes mo davierter ai **28 de mei dala 18 online** ntan nostra manifestazion de nfurmazion ZeLTlectio_Q&A o nce per telefon o e-mail.

Cuntat

ZeLT. Zänter europeich per literatura y traduzion

MAIL lectio@zelt-lab.eu

T +39 333 48 03 530

Responsabla dl proiet: Alma Vallazza

Cunzet y organisazion: Rut Bernardi, Maria C. Hilber, Matthias Oberbacher,
Ingrid Rungaldier, Alma Vallazza.

N proiet de:

ZeLT

Zenter europeich per literatura y traduzion _____

Centro europeo di letteratura e traduzione _____

Europäisches Zentrum für Literatur und Übersetzung _____

European Center for Literature and Translation _____

SAAV

Südtiroler Autorinnen- und Autorenvereinigung

Unione Autrici Autori Sudtirolo

Lia Autores Südtirol

ZeLT ist ein Projekt der/è un progetto della/ie n proiet dla SAAV

N culaburazion cun:



Cun l sustëni de:



PROVINZIA AUTONOMA DE BULSAN
SÜDTIROL